



## ***A nascita di l' Etna sicunnu li greci***

Comu si sapi, L'Etna, o Mungibeddu, pi li catanisi 'un è sulu "A Muntagna" o u vulcanu cchiù jautu d' Europa, miremma è lu tiatru di tanti storii i leggendu.

Nta storia ca liggiti nuatri ni limitamu a cuntarivi a nascita do Mungibeddu.

Sicunnu a mitologia greca, " A montagna" è l'effettu di la lotta ntra Zeus i altri divinità di l'Olimpu contru Tifeo i li sò Giganti.

La vera accumulencia cuannu lu Re di l'Olimpu cunfina li Titani a campari 'nto Tartaro. Ma li frati di li confinati, li Giganti, tentanu di farili scappari ,e cuannu si dunanu cunta ca l'impresa è casi impossibili, dicirunu ri assaltari l'Olimpu.

E fu la vera.

Li Giganti, cumannati ri capuraisi Encelado e Tifeo o Tifone, s' appostanu na li muntagni attagghiu e ri docu abbianu petri e avvuli 'nfucati.

Li dei di l'Olimpu arrispunnu all' attaccu, la vera si scatina furiosa picchè a posta è jauta: lu duminu di tuttu lu munnu.

Ma li Giganti ianu la peggju, macari picchè li dei sunnu ajutati di lu semidiu Ercole.

Gea, la matri di li pirdenti, ammuccia li figghi soi pi farili arripigghiaru, e cuannu Tifeo fu arripigghiatu, vanna contru Zeus "A fari li cunti cu mia, malirittu!".

A faida tra li numi cosa antica è, accumulencia miremma cuannu lu signuri di l' Olimpo, ancora picciutteddu, priatu ri Gea, tagghia cu un corpu di fauci li genitali di lu patri di li Giganti, Urano.

Tifeo è mostruosu, è jautu finu au cielu, e li vrazza aperti toccanu l'Orienti e l' Uccirenti, di li sò spaddi spuntanu sirpenti vilinusi, ma li cchiù piriculusi nesciunu di lu pettu: cu la testa ri draghi sputanu focu e vilenu.

Lu sommu Zeus pocu po fari contru, tantu ca lu mostu arrinesci a incatinarilu e purtarlu affinu la luntana Cilicia, unni lu teni priggioneru nta na grotta a Corico.

Senza esitu, tagghia li tendini di li jammi di lu priggioneru, pi 'un farlu fujiri, poi chiama lu dragu Delfine pi vigliari la prigiunia.

Hermes e Pan, fideli a Zeus, ripigghianu li tendini, e li portanu a lu poviru malasuttatu, e subutu la vera cuntinua chiù furiosa ri prima, ma ancora lu re di li dei pocu arrinesci a manteneri la putenza e lu focu ri Tifeo, finu a cuannu, stancu, è custrettu a scappari cu lu carru trainatu ri cavaddi alati.

E accusi fujunu pi mari e terra, lanciannusi lampi, saetti, focu e vilenu.

Tifeo accumulencia a scippari muntagni do tirrenu e jittarli contru lu nemicu, ma cintratu di li saetti, fui versu la Trinacria unni lu scontru è finali. Zeus è firutu, e s'accascia aspittannu la morti.

Ma 'a ninfa Etna, rigina da Trinacria, ca mancu pi nu battitu ri gigghia avia pruvatu scantu, senti lu desideriu ri sacrificarisi pi l'amuri di lu Patri di li dei, pi lu Beni.

Etna si scagghia contro lu mostu cu lu curaggiu ca sulu li fimmini hannu e ca sulu l'amuri do beni proi, lu cummogghia circannu di 'un rustruggiri li pianti e l'ammali di ddu paraisu.

Tuttu lu focu di lu mostu addiventa lu focu di la vita.

Chista è la storia di la vera fra u beni e u mali, unni lu beni, comu sapemu, vinci sempri.